



## 老前人心性嘉語

修其天爵，最貴最榮，天爵既得，人爵未有不從者，天爵者飽仁義而味道德，斂浮華而就樸實，蓄精神而養正氣，尊德性而道問學，完成本來真面目。

辦道者，毋先求功效，須防考成，且歷劫冤孽，非考何能消得盡；偏毗氣性，非考如何改得完，道心假，非考無由分；大考則大成，小考則小成，金受百煉而彌勁，鐵受百煉而成鋼，若耐不住、受不得，不但自己終為朽質，亦永無成就之日。

古之聖人能觀天之道，執天之行，中立而不倚，寂然而不動，修真性而化氣性，守道心而正人心，使胸中光明磊落，不使一毫塵染雜於方寸之內，完全太和，進而性命俱了，心法兩忘，超出天地，永劫長存。